



INNSENDING AV VERJEREKNESKAP FOR 2021

Kjære verje,

Du er registrert som verje med rekneskapsplikt. Det betyr at du skal sende inn verjerekneskap til Statsforvaltaren for ditt/dine verjemålsoppdrag der du har rekneskapsplikt. Frist for innsending av rekneskapen er **30.04.2022**.

I dette brevet finn du viktig informasjon om levering av verjerekneskapen for 2021. Vi ber difor om at du les nøye gjennom heile brevet.

Verjemålsmyndigheita har i 2021 inngått avtale med Skatteetaten om direkte innhenting av verjehavar si skattemelding i verjemål med rekneskapsplikt. Det betyr at du som verje *ikkje* treng å sende kopi av verjehavar si skattemelding ved levering av verjerekneskapen. Du skal framleis hjelpe verjehavar med kontroll, eventuelle endringar og innsending av skattemeldinga til Skatteetaten.

KVA VERJEREKNESKAPEN BESTÅR AV

Som verje plikter du å sende inn følgjande dokument for kvart verjemål med rekneskapsplikt:

1. Fullstendighetserklæring (skjema GA-8042)
 - Du må svare på alle punkt i skjemaet, elles vert ikkje fullstendighetserklæringa godkjend.
 - Dersom du sender inn fullstendighetserklæringa på papir, må du signere med dato og underskrift. Papirversjon av skjemaet kan du skrive ut frå våre nettsider <https://www.statsforvalteren.no/nn/vestland/verjemal/>
 - Skjemaet kan ikkje fyllast ut før du har hjelpt verjehavar med å levere skattemeldinga for 2021.
 - Du må føre opp alle bankkontoar som verjehavar har, og kven som har disposisjonsrett til desse.
2. Årsoppgåver
 - Årsoppgåver frå alle banker verjehavar har konto i.
 - Årsoppgåver frå spareforsikringar, fond, aksjar, obligasjonar og andre verdipapir.
3. Kontoutskrifter
 - Kopi av kontoutskrifter for *alle kontoane du har, eller har hatt, disposisjonsrett til* i verjemålet.
 - Du skal sende inn kontoutskrifter for *alle månader* du har vore verje i perioden 01.01.2021-31.12.2021.
 - Du skal sende inn kontoutskrifter for kvar måned *sjølv om det ikkje har vore bevegelse på kontoen*. Alternativt må det leggjast fram dokumentasjon frå bank på at det ikkje har vore bevegelsar på konto.
 - Kontoutskriftene må vere i banken sitt eige format, slik du får det frå banken/hentar det frå nettbanken. Du kan ikkje kopiere til Word, Excel eller liknande.
 - *Det er ikkje tilstrekkeleg å sende inn transaksjonsoversikt frå konto/nettbank.*
 - *Dersom teksten på kontoutskrifta ikkje forklarar kva ein transaksjon gjeld, må forklaring skrivast tydeleg på kontoutskrifta. Alle kontantuttak må forklarast.* Du kan eventuelt bruke punkt 5.11 i fullstendighetserklæringa, eller leggje ved forklaring på eige ark.
 - *Vi minner om at verjehavar sine inntekter skal betalast til ein konto i verjehavar sitt namn, og ikkje til konto som tilhøyrer verje, bufelleskap, eller andre.*



Statsforvalteren i Vestland

INNSENDING AV VERJEREKNESKAPET

Statsforvaltaren ber om at du sender inn verjerekneskapen digitalt via Altinn.

I Altinn fyller du ut skjema for Fullstendigheitserklæring og legg ved aktuelle vedlegg som skildra ovanfor. Du kan også gå inn på skjemaet via www.altinn.no og velje tema «Vergemål» under «Skjema og tjenester».

Viktig å hugse på ved innsending via Altinn:

- Du må bruke din eigen elektroniske ID ved innsending av verjerekneskapet, og *ikkje verjehavar sin ID*.
- Send inn verjerekneskapen via Altinn *når alle aktuelle dokument og vedlegg ligg føre*. Bruk korrekt kategori for vedlegga du legg ved. *Dersom du legg alle vedlegg på same kategori vil du kunne få purring på manglande innlevering*.

NYTTIG INFORMASJON OG FRISTAR

- Ei verje skal som hovudregel ikkje disponere meir enn inntil kr 212 798,- (2G) på vegner av verjehavar. Overskytande midlar skal overførast til ein kapitalkonto som Statsforvaltaren forvaltar på vegne av verjehavar.
- Du skal oppbevare alle kvitteringar og bilag knytt til verjemålet i minst tre år. *Kvitteringar og bilag skal ikkje sendast til Statsforvaltaren*.
- Eventuelle søknader om Statsforvaltaren si godkjenning, førespurnader, godtgjeringskrav, mv., må sendast i separat sending – og *ikkje leggjast ved verjerekneskapen*.
- **Frist for å sende inn samla og fullstendig verjerekneskap er 30. april 2022.**
- Vi føretrekk at du sender verjerekneskapen via Altinn. *Dersom du likevel vel å sende verjerekneskapen på papir skal det sendast samla i ein konvolutt til adressa som står nedst i dette brevet*. Det skal ikkje vere stiftar eller bindersar på det du sender inn. Vidare må du bruke forsida «Forside for skanning», som du finn på våre nettsider; <https://www.statsforvalteren.no/nn/vestland/verjemal/>
- Meir informasjon om verjerekneskap og **utvida rekneskapsplikt** finn du på vår nettside, og på www.vergemal.no.

Vi gjer merksam om at mangelfull levering av verjerekneskap innan fristen kan føre til at du vert fråteken verjeoppdraget.

Dersom du har spørsmål ber vi deg ta kontakt med Statsforvaltaren så snart som mogleg. Telefonnummeret til verjemålsseksjonen er 55572300, og vår telefontid er måndag-onsdag kl. 12.00-14.00. Du kan også sende oss spørsmål via «Sikker melding til Statsforvaltaren» som du finn på våre nettsider. Vi ber om at du ikkje sender sensitiv informasjon per e-post.

Med venleg helsing

Statsforvaltaren i Vestland